

■ GLOSSA

Signur uestg, co fatsch jau quai il meglia?

DA SILVIO CAMENSICH

Co fatsch jau ussa quai il meglia, signur uestg? Il dubi, il dubi è mes meglia ami. Quel na stausch jau betg giu da l'ur da mes letg, jau betg, stausch jau giu avant mes ami mumentan dal ballape u da la litteratura rumantschaetudestga (TS) mumentana. Dastgain nus viver tranter amis ina vita sociala che vegn schon fitg datiers da la lètg? Fitg datiers dal letg vegn'la uschia u uschia, la vita fitg datiers da la lètg, ans smirveglia in nus sezs quant datiers. Va betg? Dastgain nus betg? Avain nus schon tratga betg.

Sun jau betg segir, fatsch Jau tut endretg? Jau, scienzià emerità ed ester, Schöngeist, salid finadina damaun ritualmain l'emprim ch'jau fatsch insatge en pigiama mias dieuas (statuas) en stiva-dormitori. Jau tschantsch oz en damaun cun ina, damaun en damaun cun in'otra, jau na lasch or naginas. Tuttas èn grazias e bellas. Tschantsch jau oz en damaun cun la Hella, tschantsch jau damaun en damaun cun la Stella. Platonically, signur uestg. Dapli na giascha mumentan betg en, nus ans tegnì vidlonder sco fier, signur uestg. Tge faschain nus ina damaun, wenn Marmor, Stein und Eisen bricht...?

Hai jau pront chattà d'urant mias bellas spasse-



giadas in'amia en in curtin da l'amicizia, signur uestg. Jau m'emposs er betg, ella er betg. Ussa avessan nus ina buna dumonda, gughegiassan nus endretg da dumandar, savain nus gea avant e durant che nus na vivin betg sco degns catolics, maindir murin. Nus murin schon, en mintga cas, da l'amicizia, ella n'è main catolica, ma bain platonica. Geht nicht, oder, Herr Bischof? Dastgain nus betg cuntinuar pli tut a bratsch cun nossas bellas spassegiadas tras ils curtins d'amur?

Jau sun la secunda dunna. Ich bin die Zweitfrau. È l'emprima giada ch'jau tschantsch fitg avertamain surlonder. Fin dato hai jau salvà, hai jau tegnì serrà noss tabu per mai. Ditg sinceramain ma sun jau er averta, il dretg mument il dretg lieu la dretga persuna. In um, e tgenin! Faschais Vus betg in'idea tge per in. Tge di il signur uestg diocesan, tge

tegna El dalonder? Nagina misericordia aifer la diocesa totalitara? Muss ich denn zum Städte hinaus, muss ich denn?

Jau, prediganta (66) hai gist schendrà schumellins. Generà avain nus laschà il product avant, or en l'Ucraina in signur doctor. Gotteswerk und Doktorsbeitrag, u betg signur uestg? Stais Vus ussa cun bucca averta, tenda tratga e tuttas dumondas avertas sco en la litteratura. Ussa less mi'amia, ella è relativ catolica (88) era laschar generar uschia. Dess in nov mega record grischun! Uschia na vai betg? Drova gea latiers il doctor da l'Ucraina, cellas estras e sems esters. Cun material dumestic na dastgain nus betg, anc sche nus avain ed anc sche nus savain, signur uestg? U ma driz jau meglia al canoni expert da la chasa C. C. en causa procreaziun respectivamain prevenziun?

Nus ina giuvna famiglia catolica entaifer la diocesa laschassan ans ensinar in mument, signur uestg, en medem mument gist battegiar noss uffant (2), savais, semnà en avain nus avant. Pudain nus, also dastgain nus tenor dretg canonic colliar ils dus sacraments? Va betg? Hai jau ditg a mes partner mumentan ed ils dus babs. Nus tegnì en la dretga successiun, lain betg provotgar ina guerra da successiun, tratgass jau er, signur uestg.